

YONI NKISA KAENTIYE (KAKAGA YAGANE)

¹ Naeba monota kabiyo ntagaramana, nabugai ntao'yagara Kaiyasi kaetiba ma nkisapa kaeyuwe. Piya, naeba taga kamanaka napima akeka nabugaye.

² We, nabugai ntao'yagara, kae kagupa kanara monoti waintiyema, ago abuwe. Pabiyamagi, a'ya'maena kaega pempentanabe mikenaenabe aogima waisanaga nabiye. ³ Piya, ka'isa mono kina'miba kanama kaekaba: Taga ki'iba aegaraye, yugu abite tabe na'mu puntone. We, kaebe tagantanamanati nasenema, taga abintone. ⁴ Piya, yagaranempiba taga ki'i aegarakaba abima tabera na'mu puwe. Piya pekana, tonamaba pi nta'muntananepa kampa asugaikiye.

Kaiyasi aogi yuga puntiye

⁵ We, nabugai ntao'yagara, kaebe mono kina'miti kayokaya'ena puma iyo'maeyampepa, kamatiti'enama nkau'wapa aogima aborane. Eya, namu'isa mono kina'miti pabiyama aborampepa anosama asugasaye. ⁶ Piya, ka'isa iyo'maentampe kina'miba monota ai'aru pompe kina'miteti irosa'ma agu kao'ena puwaitampe ntanarakura uramewe. Piya, kaebe Koti ntugaraka napima ke'isaena iyo'maeyagana, kanarasano. ⁷ Piya, igeba Karaisiti ntugaraka mawaipa atate namu'i wama namu'isa kinatasaba ikapa kampa maeyaka iyo'maeyo. ⁸ We, taeba piya kina taga

kamana'ama ntugara iyo'maekenaga ke'isaena imekana, kanarasakiye.

Tiyoterepisi aeба ataena puntiye

⁹ Pigoya, naeba ka'isa kamanapa monota ai'aru pe kina'mititi ago kaentone. We, Tiyoterepisi aeба paitama tabe misanaga pemi ntagaraba, aeба tae kamanapa kampa abiye. ¹⁰ Piya, naeba tigeti uma irosakubopa, pintana pemikaba kamanapa ukuwe. Aeба taekaba ata kamana uma kumpari urataye. Pi abiwanane. Aeба mono kinapa kampa kayonena puwaitamagina, to ka'isa kina kayonena puwaitakena pegana, akunkitama mono ai'aruyenabisa igarubaye.

Timiteriyasi aeба aogiyena puntiye

¹¹ We, nabugai ntao'yagara, kaeba ataenamapa a-nkaega'ma aogiyenamana aegarao. Piya, ka'waina aeба aogiyena pemipa, aeба Kotitisa aborantiye. To ka'waina aeба ataena pemipa, aeба Koti nkagoba kampa aogima agantiye. ¹² Pigoya, a'ya'ma kina'miba Timiteriyasi nkagega'e asagayuyewe. Piya, tagantanama nkagowamaba tabe agiga'e kaga aboraye. Piya pegi, naegeba ae agega'e asagayuyogana, awaga kamana'nepa taganema, ago abene.

Nagarikena kamanane

¹³ Pigoya, urimikena kamana'nepa uwaena waintegi, naeba esapi kaesanagaba kampa nabiye. ¹⁴ Piya, naeba karu'ena tigeti waka, nawamupisa uma abenema, yuwe.

¹⁵ Paruyenaba kaeti waima waiyeno. Tao'miba:
Aya pene, yewe. Kaeba a'ya'ma pita'i miye taok-
ina'mikaba: Aya pewe, uwaitao.
Yoni piya isa kaentiye.

**Fore New Testament
The New Testament in the Fore Language of Papua
New Guinea
Nupela Testamen long tokples Fore long Niugini**

copyright © 1974 Biblica

Language: Fore

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

PDF generated using Haiola and XeLaTeX on 21 Feb 2024 from source files dated 31 Aug 2023

df2bc6bf-8ad4-55de-aa26-7089b3e61564